

Galatia

¹ Ic onarunec me ic méjnéh zéyec niñac qahac, néj Yesu zéma i humuc igucnec meqelimiyeç Anutu mañgoc ierené méli néju hahaya Yesuac Méliméli ic Paulo neñ imi

² ninzéh ninzéh dacmuna héçna moczoñ niguc kecçu iniguc momacnec hénaorin Galatia bæciguc kecma kençu onac muru

³ neñan Anutu mañgocnina zéma Miñ Kewunina Yesu Kristo iorarunec ewa hia zéma luaenéh hama he énéçmimac niñac wanzin.

⁴ Kristonéh Anutu neñan mañgocninawac ewa sinja méndacma neñan bæc yomuac hicñisai biria yomuacnec metecgé nénéçmiman zé képésicnina niñac wamma eñeya séwi kekeçya wai nénéçmiyeç.

⁵ Imuac iwac muru edamuya tetecgia qahac hema emma hema keçmac. Hélaçnec!

Buñ suruc hiabia imi méj ménda hezac.

⁶ Ini Anutunéh Kristoac ewa hiayaiguc unuruma énépésiyec, wañu ini focnec i waima ackuažéc tanera méñiguc kendacçu imuac niñ welicgé énéçmizua.

⁷ Wañu imi buñ suruc hiabia méj ménda wanzac, néj ic tosia ienené mesoho énéçmima Kristoac buñ suruc hiabia imi zébirigic tanera méj wañanzac.

⁸ Wañu nenené me kua meme uñ méj kurumené igucnec hahayanéh buñ suruc hiabia énézéyin

imi mesohoma méñac énézémaciguc imi saecgi-naguc wandacmac.

⁹ Walac énézéyi imuacnec mia deguc munğuc énézézua. Méñnéñ méñ buña suruc hiabia walac nimma késagic imi qahac, néñ méñac énézémaciguc imi saecyaguc wammac.

¹⁰ Ni degucmi icnéñ niñgic sécgémac niñac wanzua me Anutunéñ niñu sécgémac niñac wanzua? Ni ic ieneñ welicgé némmu niñac zézua me? Ni ic ieneñ niñgic sécgémac niñac zéwinec imi Kristoac welen qeçe icya héla ménda wambinec.

Anutunéñ Paulo dimuhuc héihéré miyec imuac suruc.

¹¹ Dacmuna hécna, eneñ niñtecgicmu niñac énézézua, buña suruc hiabia zéauanzua imi ic méñac ewa siñ méndacmimia qahac.

¹² Imi mia ni ic méñac murunec ménda meyi me ic méñnéñ ménda ku néñec, néñ Yesu Kristo eñeyaoc measari néñu iwarunec meyi.

¹³ Ni becnec Yuda ic ionac héná tima kerí imuaru, ini niñgic ésécnec Anutuac hénáorin réwérianec ununesi wañ énécmima mebiri énécmiyi.

¹⁴ Wañu ni imi yawuñ momachécna sasala onogicma Yuda ic ionac héná imi selianec ninzénğéma yanda hécninawac ac paken meratéc memeya imuac seliseli wamma méndacañi.

¹⁵ Wañu neñgocnawac héri qeri igucnec gésinéma ewa hiaya niñac wamma héihéré néñec inéñ mia

¹⁶ Nañawac hénia imi ic enia ionac muru zéau énécmimañ niñac, i ewa qerinaiguc ewa hia

nimma mihicñi néñec nalé imuaru, ni baec ic iniguc ménda eminiñi.

¹⁷ Wañu ic walac hénima Yesuac Méliméli ic ai megic ionac inicmañ zé Yerusalem ménda kenji, néñ moczoñ Arabia baeciguc kemmaguc Damasiko amaiguc lilingéma kenji.

¹⁸ Imuacnec kecma yawuñ haréwéc tecgéyu Petero (Kefa zémimia) hémmañ zé Yerusalem ekemma i guc momacnec ai meme 15 keri.

¹⁹ Wañu nalé imuaru Yesuac Méliméli ic tosara ménda iniri, néñ Miñ Kewuninawac munaya Yakobo iwacnec héñi.

²⁰ Héñgic, ni onac niñ wamma kiwi ozua yomi imi ikoc qahac.

²¹ Imuac andiaiguc Siria zéma Kilikia baec keremba

²² Kristoac hénaoñ Yuda baeciguc keczu ieneñ becneç kic tanecna ménda héñgic, néñ

²³ ic ménñ nunuhéi wañec iminénñ deguc ninzénñ ninzénñ walac qeténgeñ zé wañañec imuac mia deguc zéaukeczac imuac sac zégic niñgic.

²⁴ Nimma nuac niñac Anutu mepésigic.

2

Yesuac Méliméli ic ieneñ Paulo añgétima tétécgémigic.

¹ Ai yawuñ 14 tecgéyu neñ Banabaguc Tito wagicma muñguc Yerusalem ekenñi.

² Imi mia Anutunénñ nézéyu hémma ekemma buña suruc hiabia ic enia ionac sugginaiguc zéauañi imuacnec énézéyi. Énézéma aina memañac hezac imi zéma walac meyi imi

momacnec héla qahac ménda wambac niñac qacgina kenkeña ionacnec sac énézéyi.

³ Wañu Girik ic Tito niguc momacnec kerec i acguc séwi tasia héricmac niñac ménda zénañgémiyi.

⁴ Imi mia dacmuna ikora tosara éléñec harégic ionac niñac imuhuc wañi. Ieneñ imi Kristo Yesuac qeriaiguc hulacamuma kecziñ imi kowu ninicma acnéñ qaténénécmigic welen qeénécmiwiñ niñac imuhuc wañgic.

⁵ Wañu buña suruc hiabia imi onac sugginaiguc nalé séc hemac niñac nalé hotoñadac méñ ionac ac niñac ménda bélacgéyiñ.

⁶ Qacgina niñénécmigic keczu ionac sugginaiguc méñac méñ ewa éréhéc ménda wañanzua. Anutu imi ic ionac séwigena tanerawac ménda hémma énépésianzac. Ic qacgina kenkeña ieneñ méñac méñ ménda méra néñgic,

⁷ néñ néwécgeñaiguc Peteronéñ séwiac asé kiwiginaguc ionac muru buña suruc hiabia énézémac niñ ai buña qemiyec ésécnec ni imuhucyanec ic enia ionac ai buña qenéñec imi héñtegicic.

⁸ Wañu Petoro qindiñi mima séwi hericginaguc ionac Méliméli ic oporec inéñ mia ni momacnec qindiñi némma ic enia ionac Méliméli ic noporec.

⁹ Wañu ai ic tandéya ésécnec zéma niñénécmianzu Yakobo zéma Kefa zéma Yohane ieneñ goi héihéiya nuac muru néñu hezac imi héñtegicma ni zéma Banaba imi ic enia ionac muru kenzic eñaoc imi séwi tasé hericheric ginaguc ionac muru kembinñ zé niñgic hiaruyu

yaizézénira zéma méranira qegic.

¹⁰ Wañu maqeqeya ionac niñqeli énécmiwic imuacnec sac qesinércmigic. Wañu haka silic imuhucya imi neñ bec seliseli wamma meani.

Paulonéj Petero zéqegetali wammiyec.

¹¹ Wañu Kefanéj Antiokia ama arenjaiguc hayec imuaru hakasilic Képésiraguc ménj wañu musu qege wammima ac zémiyi.

¹² Walac Yakoboac murunec ic tosara hagic ienen ménda harédacgicnec Kefanéj ic enia iniguc momacnec nene nema tarec, néj ic ienen hosucgé énécmigic séwi hericginaguc ionac bac yandi yandi wamma néngacma keñec.

¹³ Wañu Yuda ic tosara acguc toroqemima haka tilicqilicya wañgic, Banaba acguc ionac haka tilicqilic ginanéj hérémíyu sigima keñec.

¹⁴ Wañu hémba buña suruc hiabia imuac héna dindiña hezac séc ménda tигic moczoñ yanda kicginaiguc Kefa* yomuhuc ézéyi; Gi imi Yuda ic, wañu kileñ Yuda ic tanec qahac, néj ic enia tanec kecma némac niñac ic enia ienen Yuda ic ionac héna méndacmu niñ seliseli wamma héihéré énécmikeczañ?

¹⁵ Neñañ ic enia késpedesguc kekera ionac murunec qahac, néj Yuda ic hiçñiyiñ.

¹⁶ Késpedes solañ zémimia imi héna ac wawañ memeya igucnec qahac, néj Yesu Kristo ninzéhégé mimia imuacnec hezac imi ninziñ. Imuac niñ nini acguc Kristo Yesu ninzéhégéañziñ. Imi mia nini héna ac wawañ memeya igucnec qahac, néj

* **2:14:** Kefa imi Hebiraió ac, Petero imi Girik ac, héniagira imi neñañ aciguc Zamanziñ.

Kristo ninzégé mini késpedes solarj zénénécmimac imuac niñ mia. Héna acac wawanj memeinguc séwi ic ménjac ménj késpedes solarj zémimia ménj ménda hezac.

¹⁷ Neñañ Yesu Kristoac qeriaiguc késpedes solarj zé nénécmimia wammac niñ seliseli wankecni késpedesicnéñ mihicñi nénécmimaciguc, Kristonéñ késpedes imuac welenj qeque ic wanzac me? Imi moczoñnec qahac!

¹⁸ Ni némac iwawai ménj qema téngéyi imi muñguc meyac kumumanjiguc, hakana iminéñ measariyu nenaoc héna ac logilogi ic tanec wammañ.

¹⁹ Héna acnéñ zétecgéyu humuma héna ac igucnec añgégéñ tiamuyi imi Anutuac kic hihi wamma qeliqeli kecmañ niñac imuhuc wañi.

²⁰ Ni imi Kristoguc ic héñgeña wéndaraiguc nurugic humuyi. Imuac deguc keczua yomi imi nenaoc qahac, néñ qerinaiguc kecnéñzac Kristo imi mia. Kekecna séwinaguc keczua imi goina héima nuac niñ wamma eñeya séwi kekecya waiyec Anutuac naña i ninzégéma ninzén ninzén imuac qeriaiguc kecanzua.

²¹ Ni Anutuac ewa hiaya imi ménda qetalizua. Késpedes solarj wawaña imi héna ac igucnec haanzaciguc Kristonéñ eñ humuyec tanec wammac.

3

Ninzénj ninzénjac héna.

¹ O Galatia ic qelaña! Yesu Kristo imi dimuhuc ic héñgeña wéndaraiguc qegic keñkecma humuyec imi dindiñanec zéasari énécmiwa

nindacgic, nêj kilej mérénêj ewa soho meénécimizac?

² Ni onac murunec haka momacguc sac qesin-immanj zé wanzua. Ini Uña Téréya imi hêna ac tohoma megic me Yesu ninzêngéma megic?

³ Ini ewa soho wanzu me? Uña téréyaguc hénigic, nêj deguc Uña téréya waima séwiginawac sinjiguc metecgêwiñ zé wanzu me?

⁴ Ini haka kuhaguc sasala imuhucya hicji énécmiyu hêngic imi héla qahac enomia wanzac me? Imi hélacnec enomia me?

⁵ Imuhuc wanu Anutu Uña téréya énécmima sugginaiguc kuc méréra mewininima kerec imi ta hêna ac tohotoho imuacnec me Yesu ninzêngé mimia imuacnec?

⁶ Abarahamnêj Anutu ninzêngéyu ic solaña zémimia wanec.

⁷ Imuac ic embac ninzêj ninzêj igucnecnêj Abarahamac qelihéra wanzu imi niñasarimu.

⁸ Wanu Anutunêj ic enia ninzêj ninzêngina niñac wamma solaña zé énécmimac imi walac niñasarima Abaraham buña suruc hiabia imi yomuhuc ézéma zéyec; Baera baera ic embac imi guac qerigaiguc mozogé énécmimia wammac.

⁹ Imuac ic embac ninzêj ninzêj igucnec ienenj imi ninzêngéma kecañec Abaraham i guc mozogé énécmimia wammac.

¹⁰ Mérénêj mênj hêna ac wawaña imuac héima nanzu séc saecac méra bawu keczu imuhuc ooy-awac hezac imuac niñ hêna acac ai mezu séc saecac bawaiguc keczu.

¹¹ Wanu Anutuac kiwaiguc ic méñnêj hêna ac méndacma solañanimac ac séc qahac téngêj. Imi

mia ic solañanéh ninzéh ninzéhiguc sac kecmu.

¹² Héna ac imi ninzéh ninzéh igucnec hahaya qahac, imuac ic mérénéh héna aciguc kiwi hezac imi méndacanzac inéh héna ac qeriaiguc kecmac.

¹³ Kristonéh neñañ niñac wamma saec ac zémimia wañec. Wañu héna acac saec ac igucnec mulu menénécmiyec. Imuac mia ic qahaiguc qegic nanaña séc saecac bawaiguc kekera imuhuc ooyawac hezac.

¹⁴ Imi mia Kristo Yesuac qeriaiguc Abarahamac mériañnéh ic enia ionac muru kereñu neñañ ninzéh ninzéhiguc namma sisipac acac buña uña téréya nénécmiyu añgéh tiwiñ niñac imuhuc wañec.

Héna ac zéma sisipac ac.

¹⁵ Dacmuna hécna, baec ic neñañ kecanziñ igucnec séséc ménj héima zéwa. Icac sisipac ac acguc zétecgéni ménnéh ménj aumac me toro qemacac séc qahac wañanzac.

¹⁶ Wañu sisipac ac ménj yomi mia Abaraham zéma qelia iorac muru zézéya wañec. Wañu sasala niñac qelihécga ménda zéma momacguc sac niñac zéma guac qeliga zéyec. Wañu imi mia Kristo.

¹⁷ Ni zézua imi yomuhuc niñac, Anutunéh walac zéseliyec sisipac ac yomi imi mia Moseac héna ac yawuñ 430 tecgéyuguc hicñiyec iminéh qeyu kemma héla qahac wammacac séc qahac.

¹⁸ Mératéc imi héna ac igucnec hayeciguc sisipac ac igucnec hahaya qahac, néh Anutuac sisipac ac niñac wamma Abaraham ewa hiawac eñ miyec.

¹⁹ Imuhuc waŋu bec h́́na ac imi ń́mac niŋac ń́ń́cmiyec me? Imi mia ac qeŋe niŋac toroŋe ń́ń́cmiyec. Imi mia kua meme uŋań́ń́ ic suc Moseac ḿ́ria igucnec ń́ń́cmiyec. Waŋu hekeru sisipac acac buŋa Abarahamac qeliań́ń́ hayu aiya tecǵ́macac heyec.

²⁰ Ic momacguc sac keru ic suc imi aiya qa-hac. Waŋu ń́ẃ́cŋeŋaiguc Anutu imi momacguc imuac mia Moseac ic suc ź́zua.

*Welenqeqe ich́́ra me
namb́́rac h́́ra?*

²¹ Waŋu h́́na ac imiń́ń́ Anutuac sisipac ac imi q́́facǵ́zac me? Imuhuc wammacac ś́c qa-hac. Waŋu h́́na ac kekec h́́mb́́naŋa ń́ń́cmimac ś́c imuhucya ń́ń́cmiyeciguc solań́a ź́mimia imi h́́na ac igucnec hawacnec,

²² Yesu Kristo ninź́ń́ǵ́gic é́́ń́cmimań́ ź́ma zikiziki ac meyec imuac h́́la imi ninź́ń́ ninź́ń́ ic onac é́́ń́cmimań́ ź́ h́́na acac kiwi t́́ŕ́yań́ń́ momac yanda ḱ́ṕ́síc bawaiguc qat́́ é́́ń́cmiyec.

²³ Becnec ninź́ń́ ninź́ń́ imi ḿ́nda hayec imuaru nini h́́na acac ḿ́ra bawu qat́́ ń́ń́cmiyu keriń́. Qat́́ ń́ń́cmiyunec kecni ninź́ń́ ninź́ń́ mewinini ń́ń́cmimiawac naĺ́ya hayec.

²⁴ Naĺ́ imuac suraiguc h́́na ac imiń́ń́ neŋan ninź́ń́ ninź́ń́nina niŋac solań́a ź́ń́ń́cmimia wammac niŋac Kristoac muru keŋkeŋawac mindi mindiń́i icnina é́́séc wamma kerec.

²⁵ Deguc ninź́ń́ ninź́ń́ac h́́la hayu mindi mindiń́i icnina h́́na ac imuac ḿ́ra bawu ḿ́nda kecanź́in.

26 Ini moczon yanda ninzén ninzénngina niñac Yesu Kristoac qeriaiguc Anutuac nanhéra wamma keczu.

27 Némac niñ méjnén méj Kristoac muru toroqema doku naec énécmimia wañec séc Kristo imi owo malekugina ésécnec héigic meénécmiyu keczu.

28 Wañu ini imi Yuda ic me, Girik ic me, hésa ic me, miñ mañgoc kekera me, welen qeque ic me, ic me embac moczon Kristo Yesuac qeriaiguc momacguc wanzu.

29 Ini Kristoac buña keczuiguc imi ini Abaramac qelihéra wanzu. Wañu sisipac aciguc namma ini mératéc imuac miñina wanzu.

4

1 Wañu mératéc miñinanén iwawai moczon imuac miñina wanzac, néñ nambérac kecmac imuac suraiguc imi welen qeque icac sécyá ménda ogicmac.

2 Wañu mañgocyanén naléya zéyec séc mindi mindiñi ic me ai ic kiwawac méra bawu kecanzac.

3 Imuac neñañ acguc imuhuyanec, nambérac kerin nalé imuaru baecac héná tosia mamaya imuac welen qeque ic kerin.

4 Wañu nalé imi hahéiyu Anutunén naña méli nénécmiyu embacac héri qeri igucnec zéma héná acac méra bawu hicñiyec.

5 Imi mia héná acac méra bawu keczu nini boñhéré menénécmima Anutuac nanhéra imuac buña nénécmiyu añgétiwiniñ niñac imuhuc wañec.

⁶ Ini Anutuac nambérac wanžu imuac niḡac Anutunéhḡ eneya naḡawac uḡa imi ewa qerinaiguc méli nénécmiyu Anutuac Aba maḡgoc zéma qacanzih.

⁷ Imuac gi degucmuacnec welenḡ qeḡe ic qahac, néḡ naḡa kecanzaḡ. Waḡu naḡa keczaḡiguc Anutuac murunec mératéc mema imuac miḡina wamma keczaḡ.

Paulonéhḡ Galatia ic ionac niḡac goro ac énézéyec.

⁸ Ini bec imuaru imi Anutu ménda niḡasarima iwawai Anutu héla qahac imuac welenḡ qeḡegina kegcic.

⁹ Waḡu deguc imi ini Anutu nimmizu, waḡu imuacnec toroḡema Anutunéhḡ ini niḡénécmianzac. Waḡu dimuhuc niḡac ninihḡ enomia mamaya* baecac ninihḡ efefia imuac liliḡéma muḡguc imuac ziki sipac ichéra kecbihḡ zé wanžu?

¹⁰ Ini ai meme nalé zéma maso zéma kendonḡ yanda zéma yawuḡ imi eeya héima kecanzu.

¹¹ Imuac ni onac niḡac ai seliseli wamma meyi imi héla qahac wambac niḡac bac yandi yandi wanzua.

¹² Dacmuna hécnḡ ni onac séc wamma kecanzua imuac welec énécmima zézua, ini nuac séc wamma kecmu. Ini kecma hama haka biria ménḡ ménda waḡ néḡgic.

* **4:9:** Ic onac kekecginanéhḡ uḡa ionac méra bawu hezac zéma niḡzéhḡgégic, waḡu imuac hénia imi ménni sikiluac kic taneraiguc hezac zéma imuac nimbihḡ zé waḡgic.

13 Ni hénihéniaiguc imi hafi zepananénj waŋu onacmuru hama buŋa suruc hiabia zéauénécmiyi imi ini ninzu.

14 Nuac niŋgic réwérimacac séc imuhucyanénj séwinaiguc heyec, néj mema titi ménda waŋ némma ni ménda wainénjgic, néj Anutuac kua meme uŋa me Kristo Yesuac séciguc niŋnémma héihéré néngic.

15 Waŋu deguc ségiségigina imi dimia kendaczac? Ni héipuc ac héla énézéwa niŋgic. Nalé imuhucgeŋ imi wawaŋawac séc wambacnec kic gomacgina acguc hia néfindiŋgéma némbuac séc waŋgic.

16 Waŋu deguc imi ackuazéc héla énézéwa nuac niŋgic hazécgina wanzua me?

17 Ic imuhuya imi eneŋ onac niŋ wamma seliseli wanzu imi hénia hiabiawac qahac, néj wéségina misigic tosara andé unuma kemma ionac muru qékétama niŋhumu énécmimu niŋac imuhuc waŋ énécmima keczu.

18 Haka hiabiawac qeri siŋginanénj wawaŋa imi ni iniguc kecanzua nalé imuac sac qahac, néj nalé séc hiabia wanzac.

19 Nambérac hécna ni onac niŋac wamma merac memeya ésécnec azi niyu qeŋzeŋ manzeŋ qemanec kecha ewa qeriginaiguc Kristoac kekec tanera imi hicŋi tegiruguc waimaŋ.

20 Ni onac niŋac aurima sicsaoc wanzua. Imuac nalé yomuaru focdac hama iniguc kecma ewana melemma bénzéhneŋ ac énézémaŋ niŋ waŋ néŋu kecua.

Haga zéma Sara.

21 Nézégic nimba, héna acac méra bawu kecbin zé ninzu ini héna ac imi ménda nintegiczu me?

22 Yomuhuc mia ogic hezac; Abaraham imi nan héréra éréhéc keroc. Méné imi embac sisipac acyaguc iwac murunec mén imi embac sisipac acya qahac iwac murunec.

23 Welen qeque embac iwac murunec imi séwi busu igucnec hicñihicñiya, néñ embac miñina iwac murunec imi sisipac ac qelia igucnec hicñihicñiya wanzac.

24 Ac yomi séséc ac wanzac. Embac éréhéc imi sisipac ac éréhéc, mén imi Sinai baec boña imuaru welen qeque ic mihicñiyec Haga imi mia.

25 Haga imi Sinai baec boña Arabiaiguc nanaña, Yerusalem deguc hezac imuac sésécya. Inén eneya nambérac héra iniguc welen qeque ic wamma keczu.

26 Wañu Yerusalem mén kurumeniguc hezac imi ziki sipacya qahac hezac. Iminén mia nenhocnina wanzac.

27 Imuac mia yomuhuc ogic hezac; Embac euya qahac iwac qelihéranén embac euyaguc iwac nambérac héra ionac zanégina ogiczac. Imuac niñac, o embac héñña gi ségiségi wambésémañ! Azi ménda gianzac gi kucnec qacna!

28 Dacmuna hécna, ini Isaka ésécnec sisipac ac imuac nambérac héra wanzu.

29 Wañu nalé imuaru merac séwi igucnec hicñiyec inén merac uña téréya igucnec hicñiyec imi qenesi wammiyec séc deguc acguc imuhucyanec.

30 Wañu kiwi téréyanén dimuhuc zézac? Welen

qeḡe embac zéma naḡa nesi érécmína keḡic. Némac niḡ welenḡ qeḡe embac iwac naḡanéh embac ziki sipacya qahac iwac naḡaguc momacnec mératéc ménda memaoc zéyec?

³¹ Imuac dacmuna hécna, neḡaḡ imi welenḡ qeḡe embac iwac nambérac héra qahac, néḡ embac miḡjina iwac merachéra wamma kecziḡ.

5

*Kristonéh ziki sipac igucnec
hulac nénécmiyec.*

¹ Zikisipacnina qahac kecbiḡ niḡac ziki sipac igucnec hulac nénécmiyec. Imuac niḡac naḡselima ziki sipacguc kekecac teḡ hésaya imi muḡguc ménda bisiwésémaḡ.

² Ninzu? Paulo neḡ mia énézézua, ini séwi tasé hericheric meénéc mimuiguc imi Kristo imi onac muru eḡomia wammac.

³ Muḡguc zéauma énézéwa, ic mérénéḡ séwi tasé hericheric memimia wammaciguc inéh héna ac moczoḡ wamma medacmac ac hezac.

⁴ Héna ac qeriaiguc ic solaḡa zéénécmimac niḡac wanzu ini Kristoguc toro qeḡeya imi tegicma goi héihéi igucnec metecgé énécmimia wanzac.

⁵ Neḡaḡ imi uḡa téréyanéh naḡgé nénécmiyu ninzéh ninzéhiguc solaḡ dindiḡa zénénécmiyu nimbiḡ zé niḡkumuma mambécanziḡ.

⁶ Kristo Yesuac qeriaiguc imi séwi tasé heric herira zéma ménda hericherira imi aigira qahac, néḡ imuaru imi Anutuac siḡ qeriaiguc ai meanzac ninzéh ninzéh imi sac hezac.

⁷ Ini usujñec hiabianec kenjanjic, néj méréneñ ackuazéc héla imi ménda tohomu niñac héric énécmiyec?

⁸ Zéhinoc ac imuhucya imi unuruma héihéré énécmiyec Anutu iwac murunec ménda hicñiyec.

⁹ Ninzu, yis komoranéñ saima uha dokuyaguc imi moczoñ sécgéanzac.

¹⁰ Eneñ niniñ tosara ménda anjétimu imi Miñ Kewuninawac qeriaiguc ninzégézua. Wañu ic méréneñ méñ ewa soho mihicñi énécmimac imi kitiwa memac.

¹¹ Dacmuna hécna, ni séwi tasé hericheric imuac hénia zéau énécmima kecbinec hénia némac niñac nuhéi wambunec? Imuhuc wambinec ic héñgeña wéndara imi aunénéña wañu iminéñ hénana ménda kizicgéwacnec.

¹² Ic méréneñ méñ yéwéri imuhucya mihicñi énécmima keczu imi eneñ séwiya sac qahac, néñ gocmiagina momacnec moczoñ héricdacma kecmu niñac wanzua.

¹³ Dacmuna hécna ini ziki sipac qahac kecmu niñ unuruyec. Néñ ziki sipac qahac kekecneñ usugina wañ énécmiyu séwiac siñgina tohomu niñ nalé titiña ménda mihicñi énécmimac, néñ goi héihéiiiguc welen qeamuma kecmu.

¹⁴ Imuac mia geñga goiga héi amuanzan séc imuhucyanec alagawac goiya héimibésémañ zézéya momacguc yominéñ mia hénac ac moczoñ mesolañanizac.

¹⁵ Ini mia eñawunec kuanéñ iñima qécgéamuma qahac wambu niñac goro ac énézézua.

Anutuac Uña zéma séwininawac siñ.

¹⁶ Wañu mia yomuhuc zézua; Ini Uña téréyawac méndacmima hakagina wammu. Imuhuc wanjic séwiginawac siñsiñ imi ménda seligimac.

¹⁷ Séwiac siñsiñ iminéñ Uña Téréya qetalimianzac. Wañu imuhucyanec uña téréyawac siñsiñ iminéñ séwiac siñsiñ qetalimianzac. Imuac siñsiñ éréhécnéñ hazéc wanamuma euyic haka méñ wambiñ zé ninzu imi wammuc séc qahac wananzac.

¹⁸ Uña téréyanéñ hénagina walac andu wañ énécmimac imi ini hena acac méra bawu ménda kecmu.

¹⁹ Séwiac haka silic imi usuya qahac hémma nindacziñ. Imi mia kaisero, nininñ zapi qeqeya, haka gamu qeqeya,

²⁰ baniara mepé qepési, suña zinac, hazéc hazéc kekec, danjero ac, nimbupuc biria, qeri bélan, tualefic, féngéc, téamuma kekec, ackuazéc ikorawac téamuma kekec

²¹ wanna wamba, doku selia nene, nezéléléñ, zéma haka imuhucya tosara mia. Becnec zéseli énécmiyi imuac séc zéseli énécmizua. Haka imuhucya wammu imi eneñ Anutuac héngalenñ ama areña yanda imi mératéc ménda memuc hezac.

²² Wañu uña téréyawac héla gocmia imi mia yomuhuc. Goi héihéi, ségiségi, luae, qeri bénzén, ala kekec, ehéihéi, méñzé méñzéya qahac,

²³ gum bénzénzén, qerinéñ sigisigi kekec, haka imuhucyawac imi hena ac méñnéñ méñ neunñ ménda héianzac.

²⁴ Kristo Yesuac ic embachéra imi eneñ séwigina zéma imuac siñsiñ imi ic héngenña wéndaraiguc

qedacgic.

²⁵ Neñañ uña téréyaguc kecziñiguc uña téréyaguc qéhéréngéma tacyac wambiñ.

²⁶ Edamu asaha eñomiawac ménda wamma eñacnec nimbupuc biria ménda wamma qeri netunetu ménda wañamumu.

6

Baocgé amuma kecmu.

¹ Dacmuna hécna ic méñnéñ bélacgéma késpedesic méñ wañu winiñu hicñiyu ic téréya ini qerigina gum bénzénzénh anec mindiñi mima eñañ hakagina acguc niñgési amuma eñañ acguc manam batuciguc embu niñac wamma bac yandi yandi wamma kecmu.

² Réwérigina imi wagic amuma bisimu. Imuhuc wamma Kristoac héna ac niñtohodacmu.

³ Ic méñnéñ eñomia kecma eñeyawac niñu tosara onogicma eñeña wañu ic imi ikoc wañamuzac.

⁴ Icyá icyá eñeya wawañ memeya héngalen wañamumac. Imuhuc wañu zézé ségiségi ac imi tosara ionac muru qahac, néñ eñeya wawañ memeyaiguc sac hemimac.

⁵ Eñeya réwéria imi eñeyaoc bisimac.

⁶ Ic méñ ackuazéc kumimia wamma niniñ niñarené géanzac inéñ iwac iwawaiya hiabia moczoñ ic kumianzac imiguc momacnec amunec qamunec wammaoc.

⁷ Ic méñnéñ iwawai méñ himicmac imi héla imuacnec sac metocgéanzac. Imuac niñac ini eñaoc ikoc ménda wañamumu. Anutu imi ménda zédesi wammimia.

8 Eñeya séwíac niñ wamma himicanzac imi séwíya igucnec iwawai hou houyawac metocgémac, néñ uña téréyawac niñac wamma himicanzac inéñ uña téréyawac murunec keckec seli metocgémac.

9 Neñañ haka hiabia wamma kuc mama ménda wambíñ. Kuc mama qahac kecbíñiguc naléya ducñiyu héla gocmia metocgé wambíñ.

10 Imuac nini nalé he nénécmímac imuac séc ic embac moczoñ wawañ meme hiabia wañ énécmiwiñ. Imuhuc wamma ninzéñ ninzéñac héna gésé ionac imi séc méñ nétéréma imuhuc wañ énécmiwiñ.

Goro ac tetecgia.

11 Héngic yomi mérananéñ kiwi imi kunéñ kunéñ o énécmizua.

12 Ic tosara séwiiguc kiwi hiabia mewíñ zé wanzu imi enéñ hinocgé énécmíma séwi tasé hericheric meénécmianzu imi Kristoac ic héñgeña wéndaraya niñac wamma ununesi ménda mi-hicñiwiñ zéma imuhuc wañanzu.

13 Wañu séwi tasé hericheric meénécmímia imi enéñ acguc eñaoc siñginanéñ héna ac ménda tohoma ini séwi tasé hericheric memu niñ zéanzu imi séwi tasé hericheric ic zañgégina olomma séwi enéñ wambíñ zé imuhuc wañanzu.

14 Wañu nuac muru imi Yesu Kristoac ic héñgeña wéndara imi qahac wañu, méñac méñ zézé ségiségi ac wammañac méñ ménda henénzac. Kristoac niñ wamma baec imi nuac muru ic héñgeña wéndaraiguc humuyu ni acguc baecac muru humuyi.

15 Séwi tasé heric herira zéma ménda hericherira imi moczoŋ enomia, néŋ kekec qelia meme imi sac eeyaguc wanzac.

16 Haka silic yomi tohomu onac muru zéma Anutuac Israel ic onac muru luae zéma goi héihéianéŋ he énécmimac.

17 Degucmuacnec ménéŋ ménéŋ réwéri ménéŋ ménda mihicŋi némmu. Ni imi séwinaiguc Yesuac lépéc kiwiya heyu késa kecza.

18 Dacmuna hécna Miŋ Kewunina Yesu Kristoac ewa hianéŋ onac ewa qeriginaiguc hema kecmac. Hélaacnec!

SISIPAC AC QJELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665